

# Ciuq Dieg "Dajndaem" Ndaej Mak Lai

## 根植乡土 硕果丰

—Geiq Hongsach Ak Lozyez Yen Dungzloz Cin  
Gijli Siujyoz Sonhag Cuengh Gun Song Saw Vah



Ndaw hagdangz cinghseuq hix ndeiawj.

Lozyez Yen Dungzloz Cin Gijli Siujyoz youq rangh dieg baihaek yienhsingz, liz yienhsingz 3 goeng-leix, dwg aen hagdangz cunh gaep ndaw dieg Bouxcuengh comzyouq. Aen hagdangz neix laeb youq 1956 nienz, dieg gvangq 2524 bingz-fanghmij, seizneix miz song doengh laeuzsonhag, funghranz sizdangz ndeu, funghranz den' gyausiz ndeu. Seizneix hagdangz miz 7 aen ban, 127 boux hagseng, ndawde 117 boux dwg Bouxcuengh, hagseng Bouxcuengh ciemq cungsoq 92%. Gungh miz 23 boux lauxsae, ndawde 16 boux dwg lauxsae Bouxcuengh, 6 boux dwg lauxsae Bouxgun, boux ndeu dwg lauxsae Yauzcuz. Lauxsae Bouxcuengh ciemq 70%. Ndawde 16 boux miz daconh yozliz, 6 boux miz bwnjgoh yozliz, lauxsae hab iugouz caez. Lai bi daeuj, aen hagdangz neix ciuq dieg guhhong, sonhag Cuengh Gun song saw vah, cingzciak haemq ndei, couh dwg ciuq dieg "dajndaem" ndaej mak lai.

Daj 1984 nienz sonhag Cuengh Gun song saw vah daeuj, aen hagdangz neix ciuq fuengcim hengz, couh dwg "aeu Cuengh guhcawj, Cuengh Gun doxgap, baengh Cuengh daiq Gun, Cuengh Gun caez rox", laebdaeb guh Cuengh Gun song saw vah gyauyuz, ndaej baenz haujlai daegsaek.

2012 nienz, aen hagdangz neix dingh le aen banhhag muzbyauh, haemq miz daegsaek, couh dwg haenqrenz banh baenz aen hagdangz lajmbanj fatyienz vwnzva Bouxcuengh. Bingzciengz, sonhag Sawgun liuxle lauxsae lij aeu hagseng roxyiuj vwnzva Bouxcuengh, hawj gyongq hagseng daj iq couh rox giz mboujdoengz gvendaengz vwnzva Bouxcuengh, mizsim swnjcienz nem fatyienz vwnzva Bouxcuengh.

2013 nienz 9 nyied daengz 2014 nienz 7 nyied, aen hagdangz neix ciuheuh lauxsae nem hagseng, soucomz doenghyienh dangdieg miz daegsaek Bouxcuengh, baugvat doxgaiq, saw, fwen, gojgaeq daengj, cingileix ndei liux, baij coq

ndaw funghranz yawjsaw. Hagseng ngonzyawj, couh rox vwnzva lizsij Bouxcuengh noengzna, dazyinx gyongqde gyaemaij vwnzva Bouxcuengh, gyaemaij mbanjranz. Linghvaih, aen hagdangz neix lij guh haujlai hozdung, fatyienz vwnzva Bouxcuengh, lumjnaeuz eu fwen, dwk lwgyangq, gangj gojgaeq daengj. Hawj hagseng camgya vunzlai hozdung liuxle lai rox vwnzva Bouxcuengh, doengzseiz hawj hagseng lai mizsim swnjcienz nem fatyienz vwnzva Bouxcuengh. 2014 nienz 9 nyied dauqlaeng, ndaw hagdangz neix vwnzva Bouxcuengh gig noengzna.

Lai bi daeuj, aen hagdangz neix laebdaeb caezcienz gak hangh hongsach son' gyaug nem yenzgiu. Hagdangz anbaiz seizgan hwnjdangz bauj gaeuq, lauxsae son' gyaug Cuengh Gun song saw vah, ciuq gveihliz sonhag saw vah, sawj Cuengh Gun doxhoiz doxbienq ndaej cinjdeng. Laebdaeb gaemdawz aen yenzcwz "Cuengh gonq Gun laeng". Fatok Sawcuengh youhsi, ciuq "cibroek cih" fuengcim bae sonhag, anbaiz ndei hongsach gonqlaeng, haeujsim yenzgiu fuengfap sonhag, gemjnoix hong hagseng, haenqrenz hawj Cuengh Gun song saw vah sonhag lai miz cingzciak. Doenggvaq yenzgiu baenzlawz guh ndei sonhag, gujli lauxsae guh godiz yenzgiu gvendaengz Cuengh Gun song saw vah sonhag. Mboujduenh cunggez gingniemh, mboujduenh cau fuengfap sonhag moq, guhfap moq, haenqrenz hawj hagdangz mbanj Bouxcuengh ndaej daezsang sonhag cizlieng.

Aen hagdangz neix gyaulyenzcuq gaenxmaenx guh gak cungj hozdung doxdax sonhag Cuengh Gun song saw vah. Doenggvaq doxdax hawj lauxsae nem hagseng, hagseng nem hagseng gyaalag doxgyau, dazyinx hagseng lai maij hag Sawcuengh. Aen hagdangz neix yawjnaek hong beizyin lauxsae son' gyaug Cuengh Gun song saw vah, baengh beizyin hawj lauxsae daezsang cunghab suciz.

2013 nienz, aen hagdangz neix ban bizyezbanh gauj Vahcuengh Sawcuengh, hagseng gauj ndaej gig ndei. Baez gaujsi neix youz Swcigih Gyaulyenzdingh cujci, ndaw hagdangz ban bizyezbanh hagseng cungj camgya, gyongqde gauj ndaej ndei, cienzbouh gizgwz, cienzbouh ndaej youhsiu, ceiq sang ndaej 98 faen, ceiq daemq ndaej 87 faen.

Gaenh geij bi neix, Swcigih Gyaulyenzdingh gaujbanh daengx gih aeu Vahcuengh gangj gojgaeq doxdax, aen hagdangz neix baij vunz camgya, hagseng Vangz Fanghfangh, Vangz Swlunz cungj ndaej itdaengjciengj, lauxsae Vangz Yezmeiz hix dangguh boux lauxsae sonyinx ndaej ngeihdaengjciengj.



▲ Boux hagseng ndaejciengj baijok mbawciengj hawj hagdangz ndaej najrongh lai.

► Gaujbanh Sawcuengh goagoenghai hozdung.



▲ Hagseng camgya hozdung doxdax gangj gojgaeq Vahcuengh ndaej itdaengjciengj.



▲ Bingzciengz hix doxdax gangj gojgaeq Vahcuengh.



▲ Comz hagseng yawj senhconzben gvendaengz Sawcuengh baenzlawz hwngfat gvaqdaej.

